

Gvangjsih Minzcuz Bau

ganhhau: CN45-0036 B.2013 Nd.6 Ng.19 liggaeuq gveiqceih nienz ndwenngux cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3078期

Bonj Sawfwen 《Sing Fwen Goksa Ciengq Daengzcog》Soujfazsi Youq Nanzningz Gawjhengz

山歌集《山歌甜甜唱未来》首发式在南宁举行

Bonjbauq siusik(gicej Veiz Yennaz) 6 nyied 8 hauh, bonj sawfwen 《Sing Fwen Goksa Ciengq Daengzcog》soujfazsi youq Nanzningz gawjhengz. Bonj saw neix dwg bonj sawfwen daih' it aeu fwen senhconz Dangj Cibbet Daih cingsaenz haenx, ndaw saw gungh miz 1200 lai hot fwen, faen 13 aen bouhfaenh, neiyungz baugvat Cibbet Daih Baugau, siengjmuengh Cungguek nem gij fwen maenhndei daj ndaw 《Sam Nyied Sam》genj okdaeuj haenx, baihlaeng bien miz Dangj Cibbet Daih Baugau. Ciuq cam rox, gij hong ok bonj sawfwen neix youz Swcigih Dangiveij Senhconzbu anbaiz, ndaej Swcigih Vwnzlenz laebhangh, youz Gvangjsih Minzgenh Vwnzyi' gyah Hezvei cujiz saedhengz.

Swcigih Dangiveij Senhconzbu, Swcigih Vwnzlenz daengj bumwnz bouxfucwz nem Swcigih Duzsuhgvanj, Nanzningz Si Duzsuhgvanj, Gvangjsih Dayoz Duzsuhgvanj daengj danhvei caeuq Nanzningz sinhvwnz gyaiq daihyauj 60 lai vunz camgya le



soujfazsi.

Youq gwnz hoih, Swcigih Dangiveij Senhconz Vwnzyicu cucangj Vangz Yinzlungz haenh gij lohnaemj moq aeu fwen daeuj senhconz Dangj Cibbet Daih cingsaenz neix; Swcigih Vwnzlenz cujsiz Veiz

Soujdwz maqmuengh boux guh hong vwnzyi ndawbiengz aeu haengj cauxmoq, fanzyungz vwnzyi ndawbiengz, saedyienh siengjmuengh Cungguek.

Gyoengq canghfwen youq gwnz hoih hix langhsing eu fwen.

Duh'anh: Vih Ginzcong Saujsu Minzcuz Banh Cib Gienh Saehsaed Saehndei

都安:为少数民族群众办十件实事好事

Bi'gvaq, Duh'anh Yauzcuz Swciyen Minzcuzgiz vih vunz dieg saujsu minzcuz comzyouq haenx banh cib gienh saehsaed saehndei.

It dwg haeuj mbanj Bouxcuengh nem Yauzcuz senhconz minzcuz lijln, cwngecwz, faplwd fazgveih nem minzcuz gihbwnj cangzsiz dangj raeuz, gonqlaeng fat senhconz swliu 6000 lai faenh, saw minzcuz 500 lai bonj. Ngeih dwg ceng' aeu baihgwnz hawj cienzngaenz hanghmoeg fazcanj saujsu minzcuz 90 fanh maenz, gaijgez 3205 vunz byaij roen, gwnraemx hoj vwndiz, baugvat Baujanh Yangh Baujanhcunh Mbanjlunggya, Gauhlingj Cin Fuhingh Cunh Mbanjlungvan, Cinghcwng Yangh Dwnghlicunh Mbanjgujsiz, Yaau Yangh Lungzdung Cunh

Mbanjlahbah. Sam dwg ceng' aeu swcigih 4.8 fanh maenz bangbouj hagseng saujsu minzcuz maenhndei youh daegbied gungzhoj haenx haeujhag, gaijgez 26 boux gauhcunghswng, dayozswng haeujhag hoj vwndiz. Seiq dwg aeu ndwen senhconz minzcuz doxgiet hozdung guh gihvei, ok cienz 1.2 fanh maenz banh 3 ciengz doxcomz eu fwen, 2 daiz minzcuz doxgiet cinbu ciendaez vwnzyi vanjvei, baez minzcuz doxgiet cinbu ciendaez gyangico. Haj dwg hawj 8 fanh maenz guh hozdung, youq Dahingh Yangh Giujyangh Yauzcuz Sinhcunh guh Yauzcuz funghcingz baijyienj, miz cien boux Yauzcuz camgya, banh le geiqniemh "Cietcucz" daizngaiz raez cien vunz caemh gwn hozdung. Roeg dwg hawj 5 fanh maenz bangcoengh

Dahingh Yangh Vahganh Yauzcuz Sinhcunh gyoengq beixnuengx Yauzcuz guh 100 dauq ndangdaenj minzcuz. Caet dwg haeuj giz lienzhaeh fuzbinz Yaau Yangh Lungzdung Cunh guh hong bangfuz veivwn, gonqlaeng bangfuz 0.5 fanh maenz hawj doenghgij ranz gungzhoj cawx veisingq densi ciepsou sezbei, caemhcai q haibanh 2 geiz nungzminz dajciengx nem ciueyz ginwngz beizyibanh. Bet dwg boiqhab ginhyungz daengj bumwnz guh ndaej hong nyinhdingh gij minzcuz giyez yiengjsouh youhvei cwngecwz haenx. Gouj dwg gaihcanj saujsu minzcuz vwnzva caeuq minzswng h diuyenz hozdung. Cib dwg cizgiz fatdoengh, dazyinx ranz gungzhoj guh ndei hong ndaem oij nem makhwzdauz.

(Lanz Fuzgvanh)

SIUSIK DINJ

简讯

● Dangqnaj, Hocouh Si Bingzvei Gvanlij Gih aen Mauz-hozdung Suijdenan roengz 620 fanh maenz haenx gaenq ndaej yungh lo. Neix mboujdanh gaijgez 1500 boux saujsu minzcuz gwnraemx ancienz vwndiz, vanzlij doihaeuj diegbya gyae nem saujsu minzcuz minzswng suiqli nem suijswnghdai gensez.

(Vangz Ligenh)

● Daj 3 daengz 5 nyied, Lozyez Yen dawz 120 diuz siusik baenzfouq soengq hawj Yauzcuz nungzminz ginzcong, soengq 3 fanh lai go dinfaex samoeg, dinfaex makgam maenhndei 2 fanh lai go, doenghyienh nungzyez, feizliu 50 lai dun hawj nungzhoh, bangcoengh Yauzcuz ginzcong gaijgez cienzngaenz swng hcanj 10000 lai maenz.

(Yenz Gozveij)

● Gaenh bi daeuj, Nazboh Yen daeng miz 85 giz vwnzvuz mbouj ndaej senj haenx. Geij ngoenz gonq, aen yienh neix cingqsik yiengq sevei gunghbu. Gij vwnzvuz neix baugvat dieggaeuq, ranzgaeuq, mohgaeuq, sigbei, gij gencuz gin yendai daengj haj daihloih.

(Maj Yungj)

● Daj bineix seizcin daeuj, Lingzconh Yen Lanzdenz Yauzcuz Yangh gaenq hawj 230 hoh Yauzcuz mienxfaiq fat 3000 go faexraq, 3000 go faexsihanvaz, 5200 go faexyinzhing, 10000 lai go faexmizhoudauz daengj dinfaex bengz haenx, mizyauq dwk coengh ginzcong saujsu minzcuz fazcanj ginghci, mboujduenh daezsang swng hhoz sui jbingz.

(Yangz Yungjgvanh Cwng Yungj)

● Vih cienzmienh liujgaij dieg saujsu minzcuz ginghci fazcanj cingzgvang, daj 5 nyied 10 hauh daeuj, Dwzbauj Yen Minzcuzgiz cujiz vunz bae Dunghlingz, Yungzvaz, Lungzsangh daengj 3 aen yangh(cin) guh dieg Yauzcuz ginghci fazcanj cingzgvang diucuz hozdung.

(Nungz Yungjfang)